

Sajak : **Dadah Durjana**

Dadah
Tika dulu kau bagai penawar
Mengukir sejarah di bidang perubatan
Penyelamat nyawa tika kesakitan

Namun kini
Martabatmu begitu hina
Hadirmu bak najis semata
Kau hanyalah pemusnah
Generasi dunia

Dadah
Kau umpama racun yang mengalir
Dalam pembuluh darah
Bagai jarum yang ditusuk hingga ke tulang
Perit..
Pedih..

Dadah
Kau durjana
Hadirmu membawa derita
Khayalan sementara cuma
Imaginasi dusta di bumi nyata
Membawa kesedihan
Mengundang derita sengsara
Dan mengusung
Kematian..

Nurkilan bersama..Md. Rz & Adik-Beradik..07.

Sajak ini telah dipertandingkan di Sekolah Kebangsaan Bukit Nanas, Tepoh, Kuala Terengganu dihantar oleh adik Intan Nur Athirah binti Daud (10 tahun) dan telah mendapat tempat kedua..

Dadah Musuh Negara

Dadah,
Kau datang mengaku kawan
Konon membantu meringan beban
Tetapi, wahai teman
Kau sebenarnya musuh
Musuh nombor 1 negara

kau buat mereka alpa
kau buat anak bangsa rebah
kau musuh negara !

Tatkala negara membangun
kau meratah belia negara
punah, musnah, lemah
kerana kau... dadah durjana

Ectacy, Heroin , Ganja
Pelbagai nama dan rupa
namun aku bersumpah
kau akan musnah

Teman,
Marilah kita bangkit bersama
Perangi Dadah Musuh Negara

Nukilan,

INTAN NUR ATHIRAH DAUD @ MAZINUYA

Lirik Nasyid: Masyarakat Madani Tanpa Dadah (2008)

Tingkatkan kesedaran
Kepada setiap bani insan
Bahaya dadah angkara syaitan
Merosakkan kehidupan

Tarafmu begitu hina
Kehadiranmu membawa petaka
Hanyalah pemusnah bangsa
Masyarakat kian binasa

Dadah... Kau adalah racun
Yang membunuh jiwa insan
Membawa derita sengsara
Memamah jasad manusia

Keseronokan hanya seketika
Khayalan sebentar cuma
Hidup di dunia tidakkan ceria
Di akhirat sana... kan mendapat seksa

Dadah... Kau adalah durjana
Imaginasi dusta di alam nyata
Membawa rasa kesedihan
Berakhir di laman kematian...

Lirik: Mohd Fikri bin Che Hussain (02/05/2008)

SAJAK : KITA ISYTIHARKAN PERANG

23/03/2006

Oleh Amirul Aziz Abd. Aziz

(Sempena Majlis Perasmian Pameran Anti Dadah Di Perhimpunan Agung Tahunan
PEMADAM Kebangsaan Ke-29
Johor Bahru, Johor Darul Ta'zim
18 Jun 2004

Terdetik di hati ini
Untuk menyusun bicara
Mengatur kata
Pada menyatakan
Rasa jelik dan jijik
Najis dadah
Ganja, pil estacy membawa padah

Mengapa kita harus dilalaikan
Pada najis dadah musuh durjana
Perkasa Kita Perangi Ia
Seluruh Jiwa Raga

Ayuh kita perkasakan Menara Bangsa
Hiasi ia dengan indah sejuta warna
Sirami ia dengan wangi sejuta bunga
Perangi ia dengan simbahan sejuta cahaya
Dan kita wajib menghargai diri
Yang masih muda
Usah terumpun oleh rona curang gejala
Usah tergoda oleh racun asing budaya

Bangkitlah dari khayal yang melalaikan
Pada najis dadah musuh durjana
Oleh bayang neraka jahanam
Menggamit nafsu hina

Medan kita telah tersedia
Mengapa pula sawah kita menjadi musafir bermusim
Kadangkala cemburu pada gelap malam
Yang enggan mengizinkan
Akarnya menguning budi

SAJAK : SEGENGAM RESOLUSI

23/03/2006

Oleh Nordin Razak

Pintu kinsafan terkuak dalam sebuah rumah tangga
Yang berpaksi kepada kebahagiaan keluarga
Ibu Bapa adalah role-model mewarnai kemanisan anak-anak
Pengisiannya di ruang waktu mendidik mengasih
Melentur biarlah waktu rebungunya masih muda
Menanam bibit citarasa menghayati seni serta sosial budaya
Setiap ribut sosial dalam keluarga perlu ditangani dengan bijaksana
Ketagihan dadah bisa merunduk kesejahteraan keluarga kita
Yang sekian dulunya dipupuk dan dibajai
Bebaskanlah dadah dari membelenggu keluarga kita

Anak – anak membesar dalam alam persekolahan
Di sana budi tersemai ilmu tercanai
Di sana benteng dibina menghindar segala bencana
Guru, murid dan ibu bapa menjadi pendokong bersama
Mengintegrasikan pendidikan pencegahan dalam pengajian dan penyerapan nilai
mulia
Akan lahirilah generasi pewaris gah dan perkasa
Warga berilmu membina keutuhan bangsa
Penggerak wadah pembangunan negara
Bebaskan Sekolah dari angkara dadah yang berbahaya

Di tempat kerja lama seharian kita di situ
Mari kita hamparkan suasana selesa yang ceria selalu
Meningkatkan produktiviti dan para karyawan yang berkualiti
Menjana ekonomi langsung negara bertambah maju
Bersihkan tempat kerja daripada bencana dadah
Yang menjadi musuh negara nombor satu
Yang telah remuk dan punah itu sama –sama dibantu
Bebaskan tempat kerja dari dadah yang celaka itu

Antara parah dan pasrah
Dadah membawa parah
Racun berbisa yang mengoyak susila bangsa
Basmikan pengaruhnya dalam masyarakat kita
Mari kita bina sebuah komuniti teguh dan perkasa
Merimbunkan ketahanan diri supaya kuat ranting rohani
Sehingga ke akar umbi memupuk kesejahteraan komuniti
Dari pemimpin turun melata bersama arus sosial dalam masyarakat madani
Kejelikan antara kalangan ahli perlu dihindari
Mantapkan kesetiakawanan dan pengakraban barisan
Kita adalah bangsa yang bermaruah dan penuh jati diri
Bebaskan! Bebasan! Dadah dalam komuniti

Kita tolak dadah!

Bebaskan dadah dalam keluarga
Kita tolak dadah!
Bebaskan dadah dalam sekolah
Kita tolak dadah!
Bebaskan dadah di tempat kerja
Kita tolak dadah!
Bebaskan dadah dalam komuniti
Kita tolak dadah!
Dadah tidak lagi dimana-mana
Bebaskan dadah dalam negara kami
Itulah janji kami dalam segengam resolusi

Kota Kinabalu – 18 Januari 2002